

Txawm yog yuav muaj txhiab leej neeg vau pes hlo, tuag ze rawv kuv, thiab yuav muaj kaum txhiab leej tuag puagncig kuv los, kuv yuav tsis raug xwm li cas hlo li.

**Kuv yuav ntsia ntsoov pom hais tias, cov neeg ua phem raug txim li cas.**

Kuv lees yuav tus TSWV ua tus thaiv ntis kuv, thiab cia tus Vajtswv uas muaj meejmom siab kawg nkaus hwjxwm kuv.

**Tej xwmtxheej yuav tsis los raug kuv. Tej kev nrujtsiv yuav tsis los ze kuv vajtse.**

Vajtswv yuav kom nws cov tubtxib saumntuj tso mkwm kuv. Lawv yuav thaiv ntis kuv txhua txhia qhovchaw uas kuv mus.

**Lawv txhais tes yuav txhawb hwj kuv cia, tsis pub kuv txhais kotaw dawm pobzeb.**

Kuv yuav tsuj ntiag tej tsov ntshuav tsivtsaim thiab nab tojtaug rau hauv kuv qab xibtaws.

**Vajtswv hais tias, kuv cawm txhua tus uas muab siab npuab kuv, thiab tso mkwm cov neeg uas lees kuv ua lawv tus TSWV.**

Thaum lawv tsa ncauj thov kuv, kuv yuav teb lawv.. Thaum lawv raug kev txomnyem kuv yuav nrog nraim lawv nyob, kuv yuav cawm lawv txojtsia, thiab pub lawv tau ntsejmuag.

**Kuv yuav pub lawv muaj sia ntev ua neej nyob, thiab kuv yuav cawm kom lawv dim. (Nkauj Qhuas Vajtswv tshooj 91)**

## **361**

### **KEV CIA SIAB RAU VAJTSWV**

Tus TSWV yog kuv tes tsau cig ntsa vus, thiab yog kuv tus Cawmseej, kuv yuav tsis ntshai leejtwg hlo li. Tus TSWV yog tus uas thaiv ntis tsis pub kuv raug tej xwmtxheej, kuv yuav tsis ntshai ib yam dabtsi twg ib zaug li.

**Thaum cov neeg ua phem tawmtsam kuv, thiab soj tua kuv povtseg, lawv yuav dawm ntog kiag rau hauv pemteb.**

Txawm yog tubrog vijvog kuv los, kuv yuav tsis ntshai. Yog yeebncuab tawmtsam kuv, kuv tseem yuav cia siab rau Vajtswv.

**Kuv tsuas thov tus TSWV pub ib yam rau kuv xwb, tsuas muaj ib yam uas kuv xav yuav. Yam ntawd yog qhov uas kuv xav nyob hauv tus TSWV uas yog Vajtswv lub tsev mus tas kuv tiam neej. Nws nploojiab zoo ua rau kuv xav tsis thoob li, kuv yuav thov nws ua tus coj kuv txoj haukev.**

Thaum kuv raug kev txomnyem, nws yog kuv qhovchaw vamkhom. Nws yuav tso mkwm kuv hauv nws lub Tuamtsev, tsis pub kuv raug tej xwmtxheej, thiab nws yuav cia kuv nyob khov kho saum phabzeb siab.